

Լ. Տ. ԿԱՐԱՊԵՏՅԱՆ, «Ազգ-արեւակցական խումբը հայերի մէջ»
(XIX դարի երկրորդ կես — XX դարի սկիզբը), Հայկական ՍՍՀ ԳԱ
հրատարակչություն, Երևան, 1966, 165 էջ (ռուսերեն):

XIX դարի երկրորդ կեսին և XX դարի սկզբին կապիտալիստական հարաբերությունների զարգացման հետևանքով Հայաստանում արագորեն բայրաչվում էր նահապետական դյուղը: Չնայած դրան վերապրուկային ձևով դեռևս շարունակում էր հարատևել նախնադարյան-համայնական կարգերի մնացուկ հանդիսացող «ազգ-արեւակցական խումբը», որը ազդագրության մեջ հայտնի է պատրոնիմիա անունով: Պատրոնիմիայի դոյությունը կովկասյան ժողովուրդների մոտ հայտնաբերել է սովետական ակադեմիկոս Կոլկասագետ-ազդագրագետ, սրբաբան Մ. Կոսովեն, բնութագրելով այն որպես նահապետական տոհմային կարգերի հատուկ և դաստիարակչային հասարակարգում գյուղական բնակչության մեջ մասամբ պահպանված հնագույն հասարակական ձև: Այդ ձևի մեծ նահապետական բնույթի բաժանման հետևանքով կազմված և միմյանց միջև տնտեսական, հասարակական ու դադափարական միասնությունը տարբեր շափով պահպանած ազգակից մեծ կամ փոքր բնույթների խումբ է: Ահա այս նորահայտ ինստիտուտի ուսումնասիրությանն է նվիրված էմ. Կարապետյանի ուշագրավ հետազոտությունը: Պատրոնիմիան հայերի մեջ բիշ է ուսումնասիրված¹, այդ առումով էմ. Կարապետյանի վերոհիշյալ մենագրությունը, որը հանդիսանում է հեղինակի երկար տարիների աշխատանքի արդյունք, հայիս է լրացնելու այդ բացը և կարևոր նշանակություն ունի վերոհիշյալ հարաբերությունները ուսումնասիրելու տեսանկյունից: Հեղինակը հմտորեն օգտագործելով այդ մասին եղած մատենագրական, արխիվային և հատկապես իր հավաքած ազդագրական-դաշտային նյութերը կարողացել է հանդամանորեն քննության առնել հայերի մեջ պահպանված ազգակցական հարաբերությունները և լուծել դրանց հետ կապված մի շարք հարցեր՝ «ազգ» արեւակցական-ազգակցական խմբերի համակարգը, նրանց կազմը, «ազգի» տնտեսական, դադափարական բնագծությունները և այլն:

Գրախոսվող աշխատությունը կազմված է երկու զույգներից, ներածությունից և եզրակացություններից: Առաջին զույգը կրում է «Ազգ բնույթների-ազգակցական խմբի կառուցվածքը» խորագիրը, ուր հեղինակը «ազգը» դիտում է որպես ազգակցական խումբ, որի կազմում հաշվվում է 6—7 սերունդ՝ արական գծով սկսած ազգի հիմնադիր-նախահորից՝ բոլոր վարենթաց և շեղակի ճյուղավորումներից վերջացրած: «Ազգը» XIX դ. վերջին և XX դ. սկզբին, բնահանրության տարրերի պահպանմամբ բնութագրվող առավել լայն ազգակցական միավորում է: Այնուհետև հեղինակը կանգ է առնում «ազգի» առաջնային պատմության վրա, կոնկրետ ազգագրական, մատենագրական նյութերի հիման վրա ուշտում, լրացնում մի շարք «ազգերի» առաջնային պատմությունը: Այսպես՝ Բարենց (Նոյեմբերյան), Փիլիպոսյանների (Հրազդանի շրջան, Ջրառատ գյուղ), Բաղայանների (Կրաւնոսելսկի շրջան, Չորթան գյուղ), Ղաթախյանների (Իջևանի շրջան, Աշաղտոր գյուղ), Անանյանների (Շամշադինի շրջան, Բերդ գյուղ), Դավթյանների (Դիլիջան) և այլն:

Է. Մ. Կարապետյանը միաժամանակ ներկայացնում է վերոհիշյալ «ազգերի» տոհմաժառանգականները, ի դեպ պետք է նշել, որ աշխատությունն ունի բավական հարուստ ցուցադրական

¹ Այդ մասին կան միայն հետևյալ աշխատությունները.

ա) В. Б д о я н, Кровнородственный «азг» и родственные отношения у армян, «Советская этнография», 1952, № 1.

բ) էմ. Կարապետյան, Պատրոնիմիայի վերապրուկները հայերի մեջ, Հայկական ՍՍՀ ԳԱ «Տեղեկագիր» (հասարակական դիտություններ), 1963, № 1:

գ) Մ. Կոսովեն, Կովկասի ժողովուրդների պատրոնիմիան, «Պատմա-բանասիրական հանդես», 1963, № 3:

դ) Э. Карапетян, Пережитки патронимических отношений у армян, գեկուցումը, տպագրված Մոսկվայում, 1964 թ., կարդացված մարդաբանական և ազգագրական դիտությունների միջազգային 2-րդ կոնգրեսում:

2 է. Կարապետյան, Ազգ-արեւակցական խումբը հայերի մեջ, էջ 155:

նյութեր՝ սխեմաներ, լուսանկարներ, քարտեզներ, որոնք զգալիորեն բարձրացնում են ուսումնասիրության գիտական մակարդակը:

«Ազգի» քանակական կազմին անդրադառնալով հեղինակը համոզիչ փաստերով ցույց է տալիս, որ ազգը իր կազմում ունեցել է 3—4-ից մինչև 100 բնականիք:

Երկրորդ գլուխը վերնագրված է՝ «Ազգի բնդհանրության մեացուկային ձևերը»: Այստեղ առաջ են քաշվում և լուծվում մի շարք կարևոր հարցեր: Իրանցից առաջինը վերաբերվում է «ազգի» զաղափարական բնդհանրությանը, որը շատ պահպանողական է և ավելի երկար է հարատևում, քան ազգի բնորոշ մյուս գծերը՝ լոկալ միասնությունը, արտադրական բնդհանրությունը և այլն: Այս բնդհանրությունը առաջին հերթին արտահայտվում է մեկ բնդհանուր նախահոր ճանաչման մեջ, իսկ ազգի անվանումը կապված էր նախահոր մասնագիտության հետ, այդ ձևով են կոչվել Ոսկերչյան, Դեմուրչյան, Զարգարյան, Ղաթխաչյան, Դալաբյան ազգերը: Հետաքրքիր է, որ որոշ ազգերի ծագումը կապված է կնոջ անվան հետ, օրինակ Ոոնենց, Այունց, Շուշանանց, այս հանգամանքը անշուշտ պետք է բացատրել երբեմնի գոյություն ունեցող մայրիշխանությամբ: «Ազգի» զաղափարական բնդհանրության բնորոշ մյուս գիծը՝ բնդհանուր գերեզմանատուն ունենալն է: Այսին է, որ գյուղերում առանձին «ազգեր» ունեն իրենց առանձնացված գերեզմանատները: Մեծիք-Քարամյանները՝ Բորչալուի գավառի Արդվի գյուղում, Ամիրյանները՝ Նոյեմբերյանի շրջանի Քոթի գյուղում, նման գերեզմանատներ կան նաև Բերդում (Շամշադինի շրջան), Աջադուրում (Իջևանի շրջան) և այլուր: Ուտարության մեջ մահացած «ազգի» անդամին փոխադրում և թաղում էին «ազգի» գերեզմանատանը: «Ազգը» յուր անդամին օգնություն էր ցույց տալիս ոչ միայն դժբախտության դեպքում, այլև նարսանիքի, որդեգրության և այլ առիթներով:

Առանձին ազգեր ունեին իրենց սրբատեղիները, պաշտամունքի առարկա դարձած ավետարանները, նարեկները, հմայիլները, կիպրանոսները: Ուշագրավ է այն հանգամանքը, որ ամուսնությունը «ազգի» ներսում արգելված էր, կամ այն թույլատրվում էր այն դեպքում, երբ ազգակցական կապերը 7-րդ սերնդից անցնում էին: «Ազգի» անդամի սպանության կամ վիրավորանքի դեպքում վրեժ լուծում էին առաջին հերթին տուժողի մոտ ազգականները, էթն այդպիսիները չկային, ապա վրեժի իրավունքը անցնում էր «ազգի» անդամներից մեկին:

Մյուս հարցը՝ «ազգի» լոկալ (տեղային) միասնությունն է, որը արտահայտվում է ազգովի թաղերի գոյությամբ, այդ պրոցեսը հետևյալ ձևով է կատարվում. երբ «ազգի» հիմնադրից անջատվում էին դուստր բնտանիքները և տները կառուցում իրար սոտ, առաջացնելով գյուղի ներսում ազգովի թաղեր, որոնք որոշ տեղերում գոյատևել են մինչև մեր օրերը: Այս ձևով են առաջացել Փիլիպոսենց թաղը (Մարտունու շրջանի Վերին Ղարանդուղ գյուղ), Նալբանդենց թաղը (Շամշադինի շրջանի Բերդ գյուղ), Անանենց, Մասուրենց թաղերը (Հոկոտեմբերյանի շրջանի Արմավիր գյուղ) և այլն: Համանման թաղեր, ինչպես համարում են Գ. Հալաբյանը, Վ. Պետոյանը, Զեյթունցին և ուրիշներ գոյություն են ունեցել նաև Արևմտյան Հայաստանում: Հեղինակը ճիշտ է նկատում, որ ազգովի թաղերը երկար են պահում իրենց գոյությունը լեռնային, նախալեռնային և ավելի վաղ բայրաչվում հարթավայրային շրջաններում: Պատրոնիմիական նարեկությունների ուսումնասիրման տեսակետից ուշագրավ են հեղինակի մեջ բերած այն նյութերը, որոնք ապացուցում են, որ եղել են գյուղեր, որտեղ բնակվել է մի ազգ: Այսպես, Հոսու ազգադրական շրջանի Արդվի գյուղում ապրում էին Քալանթարյանները, Իզահատում՝ Շահվերդյանները: Նման գյուղերի գոյության մասին է վկայում Գ. Հալաբյանը Դերսիսում՝ Թեմարե, Միրազան, Ավդերու: Ռոստովի հայկական գյուղերում և Արխազիայում շնորհիվ էմ. Կարապետյանի հետազոտությունների ապացուցված կարելի է համարել նույնանման գյուղերի առկայությունը այդ վայրերում՝ Օղաբաշյանների, Ալիխանյանների, Մատուկյանների խառնուրդը: Ռոստովի շրջանում, Ռոտիլանց գյուղ — Թոփանովկա Արխազիայում և այլն: Այսպիսով, հեղինակը ճիշտ է, երբ պնդում է, որ 19-րդ դ. վերջին «ազգի» բնակեցման լոկալ (տեղային) երեք ձևեր կային. առաջին, որ նազվաղեն է հանդիպում, այն էլ միայն լեռնային շրջաններում, դա ազգի ավանային բնակեցումն է, այդ առումով ուշագրավ է Քովմա Արծրունու հետևյալ հիշատակությունը՝ «Են բնակեն տոանձին ըստ տունս ազգաց»: Երկրորդ՝ ազգովի թաղերի կազմումն է: Երրորդ և ամենատարածվածը՝ փոքր կազմով ազգովի թաղեր էին, որի մեջ մտնում էին ամենամոտ ազգականները: Հետաքրքրական է, որ ազգովի թաղերը որոշակի դեր են կատարել նաև կոլեկտիվացման շրջանում: Թրիդաղները, ինչպես ճիշտ կերպով նկատել է ազգադրագետ Գ. Վարդումյանը կազմում էին տերիտորիալ սկզբունքով, բնդգրկելով առանձին ազգովի թաղեր: Մյուս կարևոր հարցը, որ այս գլխում բարձրացվում է էմ. Կարապետյանի կողմից, նվիրված է ազգի տնտեսական միասնության ձևերի ուսումնասիրմանը: Ազգադրական նյութերը ցույց են տալիս, որ բննարկվող ժամանակաշրջանում «ազգի» տնտեսական բնդհանրություն պահպանվել է ավելի շատ լեռնային, նախալեռնային, մա-

սամբ անտառային և սվեյի բիշ գաշտային շրջաններում: Հողը «ազգի» սեփականություն էր կազմում, ժառանգարար անցնելով «ազգի» արական անգամներին և կոչվում էր պապեհական հող: Կանայք հողը կարող էին ժառանգել միայն այ երբ մահացածի ազգիկը (աշմանդամ էր, ր) միակ դուստրն էր և դ) ամուսնու մահից հետո: Իսկ եթե կինը երկրորդ անգամ ամուսնանում է այնպիսի մարդու հետ, որն այդ նույն ազգից չէր, ապա նա զրկվում էր հողի իրավունքից: Ինչ վերաբերում է որբերին, ապա նրանց խնամակալությունը վերցնում է բարեկամներից մեկը և երեխաները շափահաս դառնալուց հետո վերադարձնում էին նրանց: Այս բոլորը կատարվում է սովորութային օրենքի ուժով: Ազգի տնտեսական միասնությունն արտահայտվում է նաև ջրաղացների, ձիթհանների, արտավայրերի համատեղ օգտագործմամբ: Հարկ է նշել, որ ազգագրական դիտության մեջ, ինչպես նիշտ կերպով նկատել է պրոֆ. Մ. Կոսովեն, պատրոնիմիայի տնտեսական հարաբերությունների իրավարանական հարցերի պարզարանմանը առաջին անգամ անգրագործել է էմ. Կաբալետյանը:

Գրախոսվող աշխատության մեջ տեղ են գտել նաև մասնակի թերություններ: Խոսելով հայերի մեջ գոյություն ունեցող պատրոնիմիայի մասին, հեղինակը չի օգտագործում կովկասյան համեմատական ազգագրական նյութը, մինչդեռ լավ կլիներ այդ հարաբերությունները ներկայացվեր կովկասյան ֆոնի վրա, օգտագործելով այդ առնչությամբ Խ. Խարաձե, Վ. Բարդալալիձեի, Դ. Գուլիևի, Բ. Կալսեի, Վ. Լավրովի և այլոց աշխատությունները: Անհրաժեշտ խորությամբ չեն տրված պատրոնիմիայի տնտեսական ընդհանրության հետ ազերալոգ հարցերը: Սեր կարծիքով, ազգի ճիշտ կլիներ, որ աշխատության մեջ նախապես արվեին պատրոնիմիայի տնտեսական հիմքերը, ապա նրանց վրա որպես վերնաշերտ բարձրացող գաղափարական, լոկալ ընդհանրությունները: Հեղինակը բերում է Արևելյան Հայաստանի բազմաթիվ ազգերի առհամառոտ-սխեմաները, մինչդեռ մոռացության է մատնվում Արևմտյան Հայաստանը: Աշխատությունը մեծապես կշահեր, եթե ունենար անգլերեն լեզվով ամփոփում:

Քերած դիտողությունները բնավ չեն նսեմացնում մենագրության արժանիքները: Էմ. Կաբալետյանի «Ազգ-արեհակցական խումբը հայերի մեջ» ուսումնասիրությունը արժեքավոր ներդրում է հայ ազգագրության մեջ:

Կ. ՄԵԼԻՔ-ՓԱՇԱՅԱՆ

3 М. О. Косвен, Семейная община и патронимия, Москва, 1963, стр. 199.